

bisaea hay may gina gamitan eon it komilyas, hay raya sanda mahimo nga tag sambato eang do ibutang nga guhit o kudlit sa ibabaw. Panaglitan: "Abu ro mga Akeanon nga sa 'Liceo' de Manila' mag toeuon"

PUNTOGKOMA

(Punto y coma)

Gina dapat do puntogkoma [;] sa pag bueag ku mga hinugpong nga bisaea nga may kaeawig eabut pa kon sa hugpong hay may mga naga daea eon it koma. Agud maathagan hay iga paathag do masunod nga panaglitan:

(a) "Ro katamad hay iná it kaimuean; apang do kahugod, busay nga gina tubdan it kabuganaan, ina it kahamungayaan".

(b) "Maaeam nga gina gamit ra kaeamar sa pag eupig sa isigkatawo: manggaranon nga ra manggad gina dapat sa pag musmos sa humang imoe; gamhanan nga gina gamit ra gahum sa pag usoy ku anang kamaeayran nga isasaehanon; ag ratón mga mahakug ag mahilikawon, hay maw sanda ro naga guba ku kalinungan nga dapat indi maduea sa isaeang ka banwa nga dapat ag buot magtimbuok."

DAYWANG PUNTO

(Dos puntos)

Iga dapat do daywang ka punto sa pag pahayag